

Երկու ռոք սպորտ,  
Երկու սոցիալ  
չհաշված Արարատ

Bookmark

ԱՐԱ ԹԱԴԵՎՈՍՅԱՆ

Երկու ռոք ապրոլ,  
Երկու աղցիկ՝  
չհաղված Արարապրո

Իմ անհավանական արկածներն  
Իեն Գիլանի և Թոնի Այոմիի հետ

new  
mag

ԵՐԵՎԱՆ  
2020

ՀՏԴ 78.036  
ԳՄԴ 85.318  
Թ 141

Թաղևոսյան Արա  
Թ 141 Երկու ոռք աստղ, երկու աղջիկ՝ չհաշված Արարատը/  
Ա. Թաղևոսյան.- Եր.: Newmag, 2020.- 172 էջ:

Այս գիրքն ամենախենթ երազանքն իրականություն դարձնելու մասին է: Երազանքն այնքան համարձակ էր, որ անիրագործելի էր թվում: Այդպես լրագրող Արա Թաղևոսյանը մի օր որոշում է Հայաստան հրավիրել համաշխարհային այն ոռք աստղերին, որոնք ժամանակին օգնեցին Սպիտակի երկրաշարժից տուժած երկրին:

Այս գիրքը երազանքը կյանքի կոչելու յուրօրինակ ճանապարհային քարտեզ է: Ինչպե՞ս սկսել, ինչի՞ց, ի՞նչ անել, երբ հեռախոսազանգերն ու էլեմանկները մնում են անպատասխան, երբ բոլորը՝ ընկերներից մինչև հովանավորներ, թերահավատ են քո գաղափարի հանդեպ, երբ նախապես ծրագրվածը վերջին 24 ժամում գլխիվայր փոխվում է: Ինչ է պետք անմիջապես անել, եթե աստղը, ի վերջո, ժամանել է, բայց ատամնացավով:

Արա Թաղևոսյանն անկեղծորեն ու մանրամասն նկարագրում է նորանկախ Հայաստանի թերևս ամենաաստղային նախաձեռնության ետնաբեմը, որը կարող է հետաքրքրել ոչ միայն ոռքի սիրահարներին, այլև բոլոր նրանց, ովքեր ունեն անիրագործելի թվացող երազանքներ, դրանց հասնելու ամնահանջ կամք ու անսպառ եռանդ:

ՀՏԴ 78.036  
ԳՄԴ 85.318

Գրքի գլխավոր գործընկեր՝  
IDBank  
[www.idbank.am](http://www.idbank.am)



ISBN 978-9939-884-05-9

© Արա Թաղևոսյան «Երկու ոռք աստղ, երկու աղջիկ՝ չհաշված Արարատը»

© «Նյու Մեգ» ՍՊԸ, 2020

Հեղինակի լուսանկարը՝ Հրանտ Խաչատրյանի/PanPhoto

Այս գրքի հրատարակության բոլոր իրավունքները պատկանում են «Նյու Մեգ» ՍՊԸ-ին և «Մեդիամաքս Մեդիա-Քոմմյունի» ՍՊԸ-ին:

## Բովանդակություն

Գործող անձինք	9
Նախաձեռնություններ	13
1. Արարատի հակառակ կողմը	15
2. Առաջին այցը, առաջին համերգը և առաջին հայ փրոմոուսերը	18
3. Երաժշտության վերադարձը	24
4. Բայդենը, Բաբաջանը, Վիգեն Սարգսյանն ու Rock Aid Armenia-ն	28
5. Ոչ սովորական դեսպանը	40
6. Ամառային երեք հուշ և ատամնացավ	47
7. Թոնի Այոմիի հանդիպումը երկրպագուի ու հեն	54
8. «Օկտետը» և ՀՕՖ-ը	57
9. Ուղևորությունը դեպի Գյումրի և պարզևատրումը Երևանում	61
10. Աղետը	66
11. Փեթ-Քեշը և Այոմիի կատակը	71
12. Արամ Ասատրյանը և Hay Superstar-ը	76
13. Սուրեն Առուստամյանն ու կնքահայրը	90
14. Շրթհարմոնն ու ֆիլմը	96
15. Դեպի Sarm Studios ամեն գնով	98
16. «Չափազանց լավ՝ իրական լինելու համար»	107
17. Այոմին բեմին ու «Եվրատեսիլում»	111
18. Փող հավաքելը հեշտ չէ	116
19. Հայերի «պաշտոնական» բարեկամը	121
20. Ողբերգությունը և Գիլանի նամակը	124
21. Մենք կրկին հավաքվում ենք	126
22. Արարելու և ապրելու սերունդը Երախտագիտության խոսք Լուսանկարների հեղինակներ	129 135 137

Նվիրում եմ ընկերոջս՝  
Ջոն Դիին

Bookmark

## Գործող անձինք



**Իեն Գիլան** (Ian Gillan, ծնվ. 1945 թ.) – Deep Purple խմբի երգիչ: Համարվում է ռոքի պատմության մեծագույն վոկալիստներից մեկը: Կոթողային է համարվում *Child in Time* երգի նրա կատարումը: *Jesus Christ Superstar* ռոք օպերայում կատարել է Հիսուս Քրիստոսի պարտիան:



**Թոնի Այոմի** (Tony Iommi, ծնվ. 1948 թ.) – կիթառահար, Black Sabbath խմբի հիմնադիր անդամ: Համարվում է heavy metal ոճի «կնքահայրը»: Guitar Worlds ամսագրի կազմած metal ոճի բոլոր ժամանակների 100 լավագույն կիթառահարների ցանկում 2004 թ. զբաղեցրել է առաջին հորիզոնականը:



**Բրայան Մեյ** (Brian May, ծնվ. 1947 թ.) – կիթառահար, Queen խմբի հիմնադիր անդամ: 2008 թ., գրեթե 40 տարվա դադարից հետո, դոկտորական թեզ է պաշտպանել աստղաֆիզիկայի ոլորտում: Այդ գործում նրան օգնել է ընկերը՝ աստղաֆիզիկոս Գարիկ Իսրայելյանը:



**Ջոն Դի** (Jon Dee, ծնվ. 1965 թ.) – Rock Aid Armenia (Ռոքն օգնում է Հայաստանին) նախաձեռնության հիմնադիր: 1991-ից բնակվում է Ավստրալիայում: Do something բարեգործական կազմակերպության համահիմնադիրն ու նախագահն է: Նախաձեռնել է Ավստրալիայի National Tree Day միջոցառումը, որի շրջանակում 2 մլն կամավորներ 13 մլն ծառ են տնկել:



**Փեթ Կեշ** (Pat Cash, ծնվ. 1965 թ.) – ավստրալացի թենիսիստ: 1987 թ. հաղթել է Ուիմբլդոնի մրցաշարում: 80-ականների կեսին աշխարհի 4-րդ ռակետն էր: Ապրում է Լոնդոնում, զբաղվում մարզչական աշխատանքով: Ավստրալիայում գործում է նրա հիմնադրած Թենիսի միջազգային ակադեմիան:



**Ջեֆ Դաունս** (Geoff Downes, ծնվ. 1952 թ.) – ստեղնահար, Asia, Yes խմբերի անդամ: Գինեսի ռեկորդների գրքում է՝ մեկ բեմական ելույթի ընթացքում 28 ստեղնային գործիք նվագելու համար:



**Ջոն Լորդ** (Jon Lord, 1941-2012) – Deep Purple խմբի հիմնադիր-անդամ, ռոք երաժշտության ամենավառ աստղերից մեկը:



**Նիկո Մակբրեյն** (Nicko McBrain, ծնվ. 1952 թ.) – Iron Maiden խմբի թմբկահարը:



**Ֆիլ Բենֆիլդ** (Phil Banfield, ծնվ. 1953 թ.) - Իեն Գիլանի մենեջերը:



**Ռալֆ Բեյքեր** (Ralph Baker, ծնվ. 1949 թ.) - Թոնի Այոմիի մենեջերը:



**Սալի Դեյ** (Sally Day, ծնվ. 1983 թ.) - Իեն Գիլանի օգնականը:



**Թրեյսի Մենաժ** (Tracy Menage) - Թոնի Այոմիի օգնականը:



**Չարլզ Լոնսդեյլ** (Charles Lonsdale, ծնվ. 1965 թ.) - Հայաստանում Մեծ Բրիտանիայի դեսպանը 2008-12 թթ.:



**Կարեն Կարապետյան** (ծնվ. 1963 թ.) - 2009 թ.՝ «ՀայՌուսգազարդ» ընկերության գլխավոր տնօրեն: Հետագայում եղել է Երևանի քաղաքապետ, Հայաստանի վարչապետ:



**Վիգեն Սարգսյան** (ծնվ. 1975 թ.) - 2009 թ.՝ ՀՀ նախագահի աշխատակազմի ղեկավարի տեղակալ: Հետագայում եղել է ՀՀ նախագահի աշխատակազմի ղեկավար, ՀՀ պաշտպանության նախարար:



## Նախաձեռնություններ



**Rock Aid Armenia** / Ռոքն օգնում է Հայաստանին

Ջոն Դին Rock Aid Armenia (Ռոքն օգնում է Հայաստանին) նախաձեռնությունը հիմնեց 1989-ին: Նույն թվականի ամռանը Լոնդոնի Metropolis Studios-ում ձայնագրվեց Deep Purple խմբի *Smoke on the Water*-ի «աստղային» տարբերակը. մասնակցեցին Queen, Pink Floyd, The Who, Deep Purple, Black Sabbath, Iron Maiden և այլ խմբերի երաժիշտներ: Բացի համատեղ ձայնագրությունից՝ ամեն խումբ առանց հոնորարի հատկացրեց մեկ երգ, և 1990 թ. թողարկվեց *Earthquake Album* ձայնասկավառակը, որի վաճառքից գոյացած բոլոր միջոցները տրամադրվեցին Հայաստանին: «Ռոքն օգնում է Հայաստանին» նախագիծը մեծ նշանակություն ունեցավ նաև այն առումով, որ շատերի համար լսելի ու ճանաչելի դարձրեց Հայաստանը: 2019 թ. հունիսին Երևանում հանդիսավոր կերպով նշվեց Rock Aid Armenia նախաձեռնության 30-րդ տարին:



## Armenia Grateful 2 Rock / Հայաստանը շնորհակալ է ռոքին

«Մեդիամաքս» մեդիա ընկերությունը 2009 թ. նախաձեռնեց Armenia Grateful 2 Rock (Հայաստանը շնորհակալ է ռոքին) նախագիծը, որի հիմնական նպատակը Rock Aid Armenia (Ռոքն օգնում է Հայաստանին) նախաձեռնության մասնակիցներին երախտագիտություն հայտնելն էր:

ՀՀ նախագահ Սերժ Սարգսյանը Rock Aid Armenia նախագծի ամենաակտիվ մասնակիցներին Պատվո շքանշանով պարգևատրելու հրամանագրերը ստորագրեց 2009-ի հուլիսին: Նույն թվականի հոկտեմբերին Ջոն Դին, Իեն Գիլանը, Թոնի Այոմին, Ջեֆ Դաունսը և Փեթ Բեշն այցելեցին Հայաստան: Այցի ընթացքում որոշվեց Գյումրիի 6-րդ երաժշտական դպրոցի համար նոր շենք կառուցել: Դրպրոցի դռները բացվեցին 2013 թ. սեպտեմբերին:



## Արարարի հակառակ կողմը

1985 կամ 1986 թվականն էր, 9-10 տարեկան էի: Չարենցի կամարի տակ էինք: Ամառային երեկո էր: Ծնողներիս հետ էի, մորաքույրս ամուսնու և դստեր հետ էր, տատս կանգնած էր մեկուսի: Նա լուռ նայում էր Արարատին, մեկ էլ ասաց.

– Ինչ մեղք է այս սարը: Գերի է մնացել այնտեղ:

Ջարմացա, որ տատս լեռան մասին ողջ մարդու պես է խոսում: «Գերի» բառի իմաստը չգիտեի, նաև չէի հասկանում՝ «այնտեղ» ասելով ինչ նկատի ունի:

Դրանից երկու-երեք տարի անց մի տարօրինակ պատահած նկատեցի: Վրան գրված էր «Վերադարձ դեպի Արարատ», սակայն Արարատի փոխարեն կարծես այլ լեռ էր պատկերված: Եկա տուն, պատմեցի հայրիկիս: Ասաց, որ Արարատն է, միայն թե հակառակ կողմից: Արարատի՝ հակառակ կողմ ունենալու «բացահայտումս» և՛ վախեցնող էր, և՛ գրավիչ: Մի քանի օր անց հայրս ինձ տարավ «Ռոսիա» կինոթատրոն՝ այդ ֆիլմը դիտելու\*:

Դահլիճը մեծ էր, մարդիկ՝ քիչ. ցերեկային սեանս էր: Ֆիլմը երկար էր: Հիասթափվեցի: Սպասում էի, որ այդ «նոր», խորհրդավոր Արարատի բազմաթիվ կադրեր կտեսնեմ, բայց

\* Վերադարձ դեպի Արարատ (շվեդ.՝ Tillbaka till Ararat) – 1988 թ. նկարահանված շվեդական վավերագրական ֆիլմ Հայոց ցեղասպանության մասին: Ֆիլմը պատմում է Հայոց ցեղասպանության ու հայերի աքսորի մասին, հայերի, որոնք երազում են վերադառնալ իրենց հայրենիք: (Ծանոթագրությունները՝ newmag-ի):